

U FOKUSU



Bosna i Hercegovina otvorila novo poglavlje zahtjevom za članstvo u EU

Prije dvadeset godina, rat u Bosni i Hercegovini je bio jedan od najburnijih sukoba u modernoj evropskoj historiji, još od kraja Drugog svjetskog rata. U ponedjeljak, 15. februara, ista je zemlja podnijela zahtjev za članstvo u EU.



EU dalje radi na unapređenju upravljanja rizicima od poplava u BiH nakon uspješne realizacije Programa za oporavak od poplava

Ovaj program predstavlja prvi dio pomoći koju se EU obavezala izdvojiti na Donatorskoj konferenciji u Briselu u julu 2014. godine, a koja je usmjerena na neposredni oporavak od poplava. Program je pokrenut u augustu 2014. godine s ciljem obnove normalnih životnih uslova u lokalnim zajednicama i osiguranja pomoći najugroženijim općinama pogođenim poplavama, kako je navedeno u Procjeni potreba za oporavkom.

EU PROJEKTI



Poduzetničko učenje u obrazovnim sistemima ključno za povezivanje obrazovanja i poslovnog sektora

Tokom posljednje dvije godine, ovaj projekt je bio posvećen provedbi Strategije učenja o poduzetništvu u obrazovnim sistemima BiH (2011 – 2015). Ovim projektom je također uvedeno učenje o poduzetništvu u formalnom obrazovanju na temelju međupredmetnog pristupa na ISCED nivoima 2 i 3, te u neformalnom obrazovanju kao sastavni dio cjeloživotnog učenja o poduzetništvu posvećenog podršci malim i srednjim preduzećima.



Podrška Evropske unije rješavanju pitanja otpadnih voda u Bijeljini

U Bijeljini je 24. februara 2016. godine službeno otvoreno novo postrojenje za prečišćavanje otpadnih voda čija je izgradnja rezultat partnerstva i saradnje između Evropske unije, Grada Bijeljine, vlasti na svim nivoima, Švedske međunarodne agencije za razvoj i saradnju (SIDA) i Evropske banke za obnovu i razvoj (EBRD) u cilju unapređenja kvaliteta vode i doprinosa čistijem okolišu u Bijeljini.

Novosti iz EU info centra



Izložba umjetničkih studentskih radova i diskusija na temu djeca i obrazovanje održane u Širokom Brijegu


EU info centar u BiH je u saradnji sa Akademijom likovnih umjetnosti u Širokom Brijegu 18. februara organizovao izložbu umjetničkih radova studenata na temu djeca i obrazovanje. Nakon otvaranja izložbe, posjetioci su imali priliku učestvovati u panel diskusiji o EU programima u oblasti obrazovanja.



Novo rađanje – Paraolimpijske igre: Izložba i promocija knjige u EU info centru

EU info centar, u saradnji sa udruženjem Dante Alighieri i Ambasdom Italije u BiH, je 24. februara 2016. godine organizovao promociju knjige i izložbu fotografija pod nazivom „Novo rađanje – Paraolimpijske igre“, čiji su autori Marco Ciccolella, Emanuele Broli i Laura Predolini.

EU VIJESTI



EU uvodi novu evropsku zdravstvenu jedinicu za brži odgovor na hitne situacije

Evropska zdravstvena jedinica omogućava državama članicama EU i drugim evropskim zemljama koje sudjeluju u sistemu da stave na raspolaganje ljekarske timove i opremu za brzu mobilizaciju prije hitnih situacija osiguravajući time brži i predvidljiviji odgovor. Zdravstvena bi jedinica mogla uključivati hitne ljekarske timove, stručnjake za javno zdravstvo i koordinaciju zdravstvenih usluga, mobilne laboratorije za biološku zaštitu, avione za medicinsku evakuaciju i timove za logističku podršku.



Berlinale: Srebrni medvjedi za dva filma u produkciji EU

Dva filma čije je finansiranje podržala Evropska unija kroz program Kreativna Evropa – MEDIA, nagrađena su Srebrnim medvjedima na 66. Međunarodnom filmskom festivalu u Berlinu (Berlinale), jednom od vodećih svjetskih filmskih festivala.

Delegacija Evropske unije u Bosni i Hercegovini, Skenderija 3a, 71000 Sarajevo, Bosna i Hercegovina

Tel: 00387 33 254 700, Fax: 00387 33 666 037

Websajt: europa.ba, Facebook: [facebook.com/europa.ba](https://www.facebook.com/europa.ba), Twitter: twitter.com/eubih, Youtube: [youtube.com/eubih](https://www.youtube.com/eubih), Email: delegation-bih@eeas.europa.eu

Za povratne informacije i komentare o Newsletter-u, molimo Vas kontaktirajte Zoru Stanić iz Tima za komunikacije putem e-maila: zora.stanic@eeas.europa.eu